



RESERVE BANK OF VANUATU

PMB 9062 – EMILE MERCET STREET – PORT VILA – VANUATU
TEL: (678) 23333 – FAX: (678) 24231
EMAIL: rbvinfo@rbv.gov.vu / enquiries@rbv.gov.vu
WEBSITE: www.rbv.gov.vu

NIUS RILIS

Pablik Woning: Kiaman Polima Vatu Nots i stap go raon long pablik

Port Vila, Vanuatu — 16 Disemba 2025

Risev Bank hemi wantem wonem pablik blong lukaot gud, afta long ol ripot we i soem se sam Kiaman polima Vatu nots oli stap yusum long sam eria. Olketa Vatu nots ia oli no kamaot long Risev Bank blong Vanuatu (RBV) mo oli no tru mane.

RBV i konfem se ol kiaman Vatu nots ia oli no semak wetem disain mo sekuriti feja blong tru mane blong Vanuatu. Pablik, ol stoa, bank, mo komuniti grup — oli mas stap lukaot gud long ol kiaman polima Vatu Nots.

Hao blong Luksave Tru Vatu Polima Nots

1. KLIA WINDO	I gat wan kala gold bubu sel i stap insaed long spesel disaen blong klia windo.
2. PIKJA LONG DAK ERIA	Pikja long dak eria i soem spesel saen blong Reserve Bank blong Vanuatu we i kamaot klia nomo taem yu holem mane i go long laet.
3. G-SWIJ	Pat blong mane we i save jenis i go long fulap kala taem mane i lei smol o andanit long laet.
4. MARK BLONG MANE	‘VT10000, VT5000, VT2000, VT1000, VT500, VT200’ i stap insaed long wan disaen blong kastom we i stap insaed long bigfala klia window.
5. BAKGRAON PRINTING	I gat fulap difren kaen sekuriti paten mo ol aelan we oli saen wetem fulap kala blong reinbo taem mane i kasem laet.
6. INTAGLIO (HEVI PRINTING)	Ol mein pikja disaen blong tugeta saed blong mane oli printim olgeta i kam moa strong mo klia wetem fulap kaen kala.
7. MAEKROPRINT (SMOLSMOL RAETING)	Toktok ia ‘VATU10000, VATU5000, VATU2000, VATU1000, VATU500 and VATU200’ oli printim fulap taem insaed long ol paten blong disaen we yu save luk taem saes blong mane i kam bigwan olgeta.
8. LUKLUK TRU	Ol paten blong ol laen long foret mo baksaed blong mane i laenap gud mo stret taem yu holemap mane long laet.
9. OL SERIAL NAMBA	Ol kala red serial namba we oli stap krosem mane oli saen mo ol kala blak serial namba we oli stanap lo saed blong mane oli saen long kala yelo mo grin long blue laet (ultra violet).
10. MAK BLONG SAEN	Tufala mak ia blong saenem mane oli saen long blue laet (ultra violet).
11. BLUE LAET MAK	Spesel Masin, i save pikemap namba ia ‘10000’, ‘5000’, ‘2000’, ‘1000’, ‘500’, ‘200’ long fored blong mane.
12. SPESEL MAK	I gat spesel mak (ol dots) blong givhan long ol pipol we no save lukluk gud wetem ae be oli mas filem wetem han mo kaondem ol mak ia blong save valiu blong pepa mane.

Sapos wan Vatu not i luk defren o i no fil stret, o i no gat olketa feja ia, hemia i soem se hemi wan kiaman Vatu not.

Wanem blong Mekem Sapos Yu Faenem Wan Kiaman Not

Sapos yu kasem o luk wan Vatu not we yu ting se i no stret:

- No yusum
- Raetem daon ples mo hao yu kasem
- Ripotem long klos polis stesen o long Risev Bank blong Vanuatu
- Kivim Vatu not ia long ol otoriti blong oli jekem

Fasin blong pasem kiaman mane hemi brekem loa blong Risev Bank blong Vanuatu [Cap 125]. Risev Bank blong Vanuatu i stap wok tugeta wetem polis blong faenem hao olketa kiaman Vatu nots ia oli kamaot mo blong stopem oli no spread moa.

Toktok blong Risev Bank blong Vanuatu

“Blong protektem valiu mo trast blong mane blong Vanuatu hem i impoten tumas. Yumi askem evriwan blong stap lukaot gud mo ripotem eni samting we i no stret . Risev Bank bae i kontiniu blong lukluk long situesen ia mo sapotem ol wok blong polis.”

Kontak Infomesen

Risev Bank blong Vanuatu – Karensi Unit

Fon: 23333 ext. 702

Email: craupepe@rbv.gov.vu

Website: www.rbv.gov.vu